

თავისუფალი პროექტების მხარდაჭერის საგრანტო კონკურსის პირობები

აჭარის ავტონომიური რესპუბლიკის განათლების, კულტურისა და სპორტის სამინისტრო აცხადებს თავისუფალი პროექტების მხარდაჭერის საგრანტო კონკურსს (შემდეგში – „საგრანტო კონკურსი“).

1. საგრანტო კონკურსის მიზანი:

- ა) ხელოვნებისა და კულტურის სფეროში ინოვაციური და კრეატიული პროექტების განხორციელების ხელშეწყობა;
- ბ) ხელოვნების ახალი მიმართულებების, შემოქმედთა ახალი იდეების მხარდაჭერა;
- გ) აქტუალური საკითხების კულტურისა და ხელოვნების გზით წარმოჩენა და საზოგადოებისთვის გაცნობა;
- დ) ხელოვნებისა და კულტურის პროექტების მეშვეობით საზოგადოებაში სამოქალაქო ღირებულებების დამკვიდრება და კულტურის ღონისძიებებში საზოგადოების ჩართულობის ახალი შესაძლებლობების შექმნა;
- ე) ხელოვნებისა და კულტურის სფეროში შეზღუდული შესაძლებლობის მქონე პირების ინტეგრირება.

2. საგრანტო კონკურსის პირობები:

2.1 საგრანტო კონკურსში მონაწილეობის უფლება აქვთ: საქართველოს მოქალაქეს და საქართველოში რეგისტრირებულ იურიდიულ პირს, გარდა მეწარმე სუბიექტისა, აჭარის ავტონომიური რესპუბლიკის ბიუჯეტის დაფინანსებაზე, ან მუნიციპალურ დაფინანსებაზე მყოფი ორგანიზაციისა.

2.2 თუ საგრანტო კონკურსში მონაწილე პირი არასრულწლოვანია, განმცხადებელმა აჭარის ავტონომიური რესპუბლიკის განათლების, კულტურისა და სპორტის სამინისტროში უნდა წარმოადგინოს მშობლის/მეურვის მიერ ხელმოწერილი დოკუმენტი არასრულწლოვანი პირის ღონისძიებაში მონაწილეობაზე თანხმობის შესახებ.

3. ღონისძიების მახასიათებლები

საგრანტო განაცხადით შესაძლებელია წარმოდგენილ იქნას ღონისძიება ხელოვნების ნებისმიერი მიმართულებით, რომელიც განხორციელდება აჭარის ავტონომიური რესპუბლიკის ადმინისტრაციულ ტერიტორიაზე.

4. საგრანტო განაცხადების მიღების განრიგი და პირობები

4.1 საგრანტო კონკურსის ფარგლებში განაცხადები მიიღება აჭარის ავტონომიური რესპუბლიკის განათლების, კულტურისა და სპორტის სამინისტროში, წელიწადში ორჯერ, შემდეგი განრიგით:

ა) I ეტაპი: 2019 წლის 20 დეკემბრიდან 2020 წლის 27 იანვრის 15 საათამდე (I ეტაპის საკონკურსო ბიუჯეტი შეადგენს 50 000 ლარს);

ბ) II ეტაპი: 2020 წლის 10 აპრილიდან 11 მაისის 15 საათამდე (II ეტაპის საკონკურსო ბიუჯეტი შეადგენს 50 000 ლარს, რასაც დაემატება პირველ ეტაპზე საგრანტო განაცხადების დაფინანსების შემდეგ დარჩენილი რესურსი, ასეთის არსებობის შემთხვევაში).

4.2 საკონკურსო დოკუმენტაცია სამინისტროში წარმოდგენილ უნდა იქნეს სახელმწიფო (ქართულ) ენაზე.

4.3 საგრანტო კონკურსის ფარგლებში საგრანტო განაცხადი და თანდართული დოკუმენტაცია წარმოდგენილ უნდა იქნეს როგორც მატერიალური (ნაბეჭდი) ისე ელექტრონული ფორმით (PDF ფორმატით შინაარსობრივად დალაგებული გაერთიანებული ფაილებით) და დარეგისტრირდეს სამინისტროს კანცელარიაში (საკონკურსოდ შემოტანილი მასალები ავტორებს არ უბრუნდებათ). წარმოდგენილი დოკუმენტაციის სისწორეზე პასუხისმგებელია განმცხადებელი.

4.4 უპირატესობა მიენიჭება თანადაფინანსების მქონე პროექტებს (თანადაფინანსება გულისხმობს ფინანსურ ან სხვა სახის შენატანს/მხარდაჭერას).

4.5 საგრანტო კონკურსის 2020 წლის ბიუჯეტი განსაზღვრულია 100 000 ლარით. საკონკურსო ბიუჯეტში არასაკმარისი რესურსის შემთხვევაში დაფინანსდება უმაღლესი შეფასების მქონე საგრანტო განაცხადები.

4.6 ერთი პროექტის განხორციელებისათვის გაიცემა გრანტი არაუმეტეს 15 000 ლარის ოდენობით.

4.7 სამინისტროს მიერ ანაზღაურდება განმცხადებლის გამარჯვებულად გამოვლენის (ბრძანების გამოცემის) შემდეგ გაწეული ხარჯები.

4.8 კონკურსის ფარგლებში თანხა გაიცემა საგრანტო წესით, საქართველოს კანონმდებლობით დადგენილი წესის შესაბამისად.

4.9 დაფინანსებული პროექტის განხორციელების ვადები:

ა) I ეტაპზე შემოსული საგრანტო განაცხადების შემთხვევაში – პროექტი უნდა დაიწყოს არაუადრეს 2020 წლის 15 მარტისა და დასრულდეს 2020 წლის 1 ივლისამდე;

ბ) II ეტაპზე შემოსული საგრანტო განაცხადების შემთხვევაში – პროექტი უნდა დაიწყოს არაუადრეს 2020 წლის 01 ივლისისა და დასრულდეს 2020 წლის 15 დეკემბრამდე;

4.10 საგრანტო კონკურსის ფარგლებში განმცხადებელი გრანტს მიიღებს მხოლოდ ერთხელ. ხელახალი განაცხადის შემოტანის შემთხვევაში განაცხადი არ განიხილება.

5. წარმოსადგენი დოკუმენტაცია

5.1 საგრანტო კონკურსის ფარგლებში წარმოდგენილ უნდა იქნეს:

ა) საგრანტო განაცხადი;

ბ) სარეკომენდაციო წერილი;

გ) მშობლის/მეურვის მიერ ხელმოწერილი დოკუმენტი შვილის/მეურვეობაში მყოფი პირის ღონისძიებაში მონაწილეობაზე თანხმობის შესახებ, თუ ღონისძიების მონაწილე არასრულწლოვანია;

დ) თანადაფინანსების შემთხვევაში თანადაფინანსების მიღების დამადასტურებელი დოკუმენტი;

ე) ბაზრის კვლევის დამადასტურებელი დოკუმენტაცია იმ შემთხვევაში, თუ კონკრეტული დასახელების საქონლის/მომსახურების (ბიუჯეტის პუნქტი) ღირებულება არის 500 ლარზე მეტი.

ბაზრის კვლევის დასადასტურებლად ბიუჯეტით გათვალისწინებულ თითოეულ პუნქტზე წარმოდგენილი უნდა იყოს ფასის დამდგენი არანაკლებ 2 დოკუმენტი (ინვოისი), რომელიც დამოწმებული იქნება ინვოისის გამცემის ხელმოწერით და მითითებული იქნება მისი საკონტაქტო ინფორმაცია.

5.2 განმცხადებელმა პროექტი უნდა წარმოადგინოს საგრანტო განაცხადის ფორმით და პორტფოლიო, ასეთის არსებობის შემთხვევაში (CD/ მესხიერების ბარათი შემოქმედებითი მოღვაწეობის ამსახველი აუდიო- ვიზუალური მასალით).

5.3 გამარჯვებულად გამოვლენის შემთხვევაში, ხელშეკრულების გაფორმებამდე, წარმოდგენილ უნდა იქნეს შესაბამისი უფლებამოსილი ორგანოს/პირის წინასწარი თანხმობა/ნებართვა იმ შემთხვევაში, თუ პროექტის განხორციელებისთვის საჭიროა ნებართვა.

6. საგრანტო განაცხადების განხილვის წესი

6.1 საგრანტო განაცხადებს, წინასწარ დამტკიცებული კრიტერიუმების საფუძველზე, იხილავს, აფასებს და საგრანტო კონკურსში გამარჯვებულს გამოავლენს აჭარის ავტონომიური რესპუბლიკის განათლების, კულტურისა და სპორტის მინისტრის ბრძანებით შექმნილი საგრანტო კომისია.

6.2 საგრანტო კონკურსის პირობებით მოთხოვნილი დოკუმენტაციის არასრულად წარმოდგენის შემთხვევაში საგრანტო განაცხადი არ განიხილება.

6.3 საგრანტო კომისიის მიერ მიღებული გადაწყვეტილების შესახებ განმცხადებელს ეცნობება საგრანტო განაცხადების მიღების ვადის ამოწურვიდან არაუგვიანეს 30 სამუშაო დღის ვადაში.

7. ანგარიშსწორების წესი

7.1 ანგარიშსწორება გრანტის მიმღებთან განხორციელდება საგრანტო ხელშეკრულებით გათვალისწინებული პირობების შესაბამისად.

7.2 წინასწარი ანგარიშსწორება დასაშვებია პროექტის ღირებულების არაუმეტეს 70 %-ის ოდენობით, ხელშეკრულებით დადგენილი წესით.

7.3 საბოლოო ანგარიშსწორება განხორციელდება ავანსად მიღებული თანხის მიზნობრივი ხარჯვისა და დარჩენილ თანხაზე (30%) აღებული ვალდებულების დამადასტურებელი დოკუმენტაციის წარმოდგენის შემდეგ.

7.4 იურიდიული პირების შემთხვევაში ანგარიშსწორება შესაძლებელია მხოლოდ საბანკო გარანტიის წარმოდგენის შემდეგად.

7.5 მიღებული გრანტის საგადასახადო კანონმდებლობის შესაბამისად ხარჯვასა და აღრიცხვა-ანგარიშგებაზე პასუხისმგებელია გრანტის მიმღები.

7.6 მიღებული გრანტის არანაკლებ 5 % გამოყენებულ უნდა იქნეს გრანტით დაფინანსებული ღონისძიების პიარ-კამპანიისთვის (ბანერების, აფიშების, ელექტრონული პორტალებისა და მასმედიის საშუალებით ინფორმაციის გავრცელება), დაფინანსების წყაროზე მითითებით.